

Q. D. B. V.

DISPUTATIO INAUGURALIS
M E D I C A,

DE

B U B O N E

ET

C A R B O N E,

QUAM

In Almâ Eberhardinâ,

P R Æ S I D E

D. RUDOLPHO JACOBO
CAMERARIO,

Facultatis suæ Decano Spectatissimo,

Domino Agnato & Patrono suo Venerando,

PRO LICENTIA

SUPREMOS IN MEDICINA HONORES
legitimè obtinendi

*Publico Eruditorum Examini
submittit*

GEORGIUS ALBERTUS CAMERARIUS,
Oettingensis,

Ad diem Novembr. A. MDCCXIII.

IN AULA NOVA

TUBINGÆ,

Typis JOHANN - CONRADI REISL.

Digitized by the Internet Archive
in 2019 with funding from
Wellcome Library

<https://archive.org/details/b30772096>



Σ. Ο.



Hema Disputationis Inauguralis proponimus præfenti temporum conditioni tristi quidem eheu! conveniens, scilicet non secundum omnem sui amplitudinem pertractandum à genere per species, nisi quatenus una alteram declarat, & respectum habet illa reliquis potior ad luem, quæ ab initio ferè seculi ex ortu per Europæ provincias annuo cursu grassabunda, ne Septentrioni quidem parcens, jam serpendo magis magisque appropinquat. Non solùm itaque tutius adhuc extra teli jactum de malo disputamus, verùm etiam speramus ulteriorem in dubiis de re arduâ informationem, occasione proponendarum thesium undecunque ab expertis aut meliora doctis obtinendam. DEUS autem Opt. Max. qui scandentem anno 1666. adverso Rheno, & 1680. adverso Danubio luem compescuit, nec istam ad nos sinat pertingere. Si unquam (imò nusquam non) ad το βῆρον cum Coo confugiendum est, tum in hoc casu maximè Benigno Numini supplices consilium rogamus & auxilium!

PHÆNOMENA

ex historiâ diræ luis selecta potiora:



Pestis dicitur cum *bubone* & *anthrace*, vix sine his, nisi quos abripiat ante quàm ipsi erumpant, dum sui adhuc signa modò præbent per dolorem afficiendi loci.

Elevatur *bubo*, sive tumor ad loca glandulosa, vel unus vel duo, rarius plures; Declaratur Inguinalis uti frequentior sic tolerabilior præ Axillari & Parotide, quæ graviora inferat symptomata.

Legitur bubo pestilenti tempore interdum circumgestari adhuc ab orthostadio; Aliàs invadere pestis, ut erysipelas cum horrore &

calote, hinc venire bubo citius tardiusve ad diem tertium vel quartum: Prætenditur autem febrem præcedens melior, sequens minus, si æger indè non levetur.

Comparet vel adhuc sanæ parti concolor tumor, vel jam rubens inflammatoriè; malus circa & super quem quodocunque livor.

Secum fert dolores per individua & loca diversos: Et vehementia eruptionis & magnitudo nimia sunt suspectæ.

Bubonem non pergere, sed subsidere, rubentem pallescere, renitentem flaccescere, pejora minatur internis, quin mortem propinquam.

Quidam tamen memorantur cum morbo superati per discussionem & resolutionem insensibilem; metuuntur autem tales post se trahere novos.

Aliàs processus ad salutem est per inflammationem ad suppurationem; undè citi, constantes, maturantes, laudantur boni.

Apertus bubo relinquit ulcus, cujus mundificatio & consolidatio pro gradu mali & modo curandi variè procedit vel protrahitur, dum cæteris paribus benè terminatur.

Malignior *anthrax*, *carbo*, *carbunculus*, vel ex ratione nominis, sive quòd erumpens dolorem ardentem pruæ instar inferat, sive quòd offerat vesicam, quasi pars igne fuisset adusta, aut denique, quando pessimus, livorem exhibeat & nigredinem carbonis; atro carbone notandus.

Dicitur uti bubo melior, qui ante, quàm qui post, febrem comparet; prior etiam ferri ab homine nondum dejecto interdum, cum aliàs stipetur symptomatibus internis febriliter malignis ut quàm maximè.

Malè audit buboni accedens & caudatus, i. e. vibice protensâ bubonem respiciens.

Non æquè loca bubonum occupat, sed excitari solet passim per corpus, tam super ventres malè, quàm tolerabilius per artus, si maximè solus, & parvus.

Habet in medio vesiculam, in quâ tantillum aquæ, sub quâ nigra cutis, circa quam inflammatur, ardet in circulum vicinia.

Malè illud centrum sphacelando vim suam exercet introrsum, & evagatur extrorsum; si circumscribatur & excutiatur per periphæriæ suppurationem, tum benè sive in spem salutis.

COLLECTANEA PHÆNOMENORUM

prioribus illustrandis inservientium:

Sunt enim bubones variorum affectuum sive comites, sive effectus, & se habent ipsi variè, modò benigni ferè neglectim habiti trans-eunt, aliàs peioris notæ sollicitam curam requirunt. Prosequemur species aliquot, si prius terminos quosdam paucis modò è *Galeno* pro-duxerimus, quibus vel socios vel modos bubonum vel erysipelaceos magis vel suppuratorios potiùs designasse videntur veteres. Ita enim Ille de tumor: *Dothien, i. e. Furunculus mihi quidem est, cum in ipsâ solâ cute constituitur; malignus verò cum altè exoritur: Phymati enim i. e. tuberculo sic similis est, solâque duritie ab ipso differt. Ambo autem inflammabundi sunt. Quos præter tertius quoque ipse Bubo, quartus-que quem nominant nonnulli Phygetlon, calore simul & celeritate gene-rationis ab aliis tuberculis differentes. Sunt quoque qui dicant in ingui-nibus & alis solis phygetla fieri, quòd adenum, quæ ibi sunt, inflamma-tiones sint. Hi cum indurati sunt affectus, chæras, i. e. struma nomi-natur.*

Quibus missis aut suppositis, famosus maximè inter *bubones* post pestilentes est *venerens*, tempore locoque duplex: Aliquando enim col-ligitur materia circa glandes in membranâ ipsas investiente, vel im-plente cavitatem inguinum, aliquando propria ipsarum substantia intumescit: Ille inflammatorius, suppuratorius, in pinguedine ma-gis; hic glandulosus, scirrhosus, rarò suppurandus, si dissipetur luem daturus. Prior immediatè aut brevi post commercium impurum com-paret: Alter diu post. *Forsteno* Id. Med. Pr. l. 11. *Helvetio* meth. de la verol. Quàm se habeat hæc inflammatio ad febrem, quomodò in-guinis tumor ad vicinam genitalium inflammationem, ulcerationem & fluxum, sunt circumstantiæ, quæ omnino merentur attendi. Ulte-riùs autem *H. ab Heers* o. 16. à carie venericâ tactâ aquâ forti posttri-diè tumores in capite & partibus vicinis observat.

Alterius porrò malignitatis focii fiunt tumores glandulosi: In-ter phænomena enim, ob quæ chirurgi *mamma cancerosè* extirpatio-nem non fidam, sed, ob malum alibi erupturum, frustraneam judi-cant, sunt etiam dura sub vicinâ axillâ tubercula.

Plus minus molestam intumescientiam infert bubo ad vulgare *erysipelas* in illo latere inguinis, sive sub axillâ, cujus pedem vel brachium rubens ardor invadit; superant illum plerique non difficulter, quasi transitorium, sive resolutum insensibiliter sive resorptum, dum & *erysipelas* benè procedit, sensimque disparet, nisi superficialis exco-riatio serosum madorem inferat & exulcerationem, pro magnâ illa hujus mali familiaris per gradus modosque differentiâ. Sufficit vel unica *pustula* parvula ardens quasi turcois non ad tendinosa modò mal-leoli loca, sed & in mediâ furâ, ut inguen protuberet, utut nec do-lor nec alteratio interna sit tanti, & concedat cum istâ molestiâ ambu-lare, nec ultrâ mali quid post se trahat; nisi fortè mansuri tædiosè vel recursuri frequentius ulcusculi fiat principium.

His adde tumores mammarum lactantium à terrore ex observ. *Pechlini*; & oris pustulas, erysipelaceis similes, viso spectro imputari solitas ex *ann. 7. E. N. G.* Venatur enim pestis, ut canis, cursu præ-dam, in timidos audax; ceu loqui amabat olim ὁ δῆνα, famosi phæ-nomeni, scil. consternationis ad pestem frequentis sive causæ sive si-gni, etiam observator.

Subordinabimus his alios *ophthalmia*, *scabiei* graviori, frequen-tius recurrenti, familiares tumores glandulosos ut ad aures, sic & ali-bi, undè speciem quandam phthiseos scrophulolam constituit *Mor-tonius*, à tuberculis talibus pulmonum quoque vel crudis diutius vel citius inflammatis oriundam.

Hippocrates d. articul. accusat *tubercula* quædam, quibus tra-hentibus ligamenta vertebrarum spina *gibba* fiat, & addit, si fuerint infra diaphragma, solvi per varices venæ poplitis & inguinum. Porro: quibus sub septo transverso gibba spina est, nonnullis renam & ve-sicæ vitia superveniunt: sed & *abscessus* ad ilia & *inguina*, qui diu ma-nent, & ægrè sanantur: quorum neutrum gibbum solvit. Quod sic explicat commentator *Galenus*: tormina & varices gibbum solvere, (forsan fientem) quia fiunt à succorum gibbos excitantium transfusio-ne; reliqua gibbum non solvere, quæ modò per consensum oriuntur. His adde respectum, quem habet *rhachitis* & *pedarctrocæ* ad glan-dulas p. n. afficiendas.

Pueris autem qui oriuntur bubones, incrementi vulgo vel signa reputantur vel focii. Ad *aph. 26. s. 3.* *Heurnio* satyriasmus species quæ-

quædam est parotidis, fortè respondens eruptioni erysipelaceæ tæbiofi capitis: num itaque inguinum bubones sub phymatibus puerili ætati adscriptis erunt intelligendi. Addit ad aph. 55. §. 4. *Heurnius*, fieri bubones etiam *virginibus* tempore menstruorum, sc. cæteris paribus benignos, spontè disparituros. Huc spectabit, qui ex *Hipp.* d. mul. morb. passim quoque citatur bubo *fœminæus*. Talium autem meminisse fas est vel eâ de causâ, quia pestilenti tempore frequentia observatur abortuum, & periclitantur hæmorrhagiis uterinis fœminæ, ut respectus ad marginales innotescat glandulas. Ne quid dicamus de *abscessu inguen perforante*, & lumbricos emittente, feliciter tamen curato, quod factum alibi legimus, & in urbe meminimus.

In *acutis* inter bubones imprimis frequentior *Parotis* varium hinc indè subit iudicium. Apud *Mortonum* quidem in pyretol. p. 2. loco non uno parotis & affectus strumofus morbillis & variolis, mali moris, ac morbis congeneribus superveniens, modò crudus sine dolore & calore, à lymphâ in glandulis congestâ & sub segni veneno lentescente tardè dissipandus, aliàs pro ratione acrioris veneni & fervido sanguine inflammatorio-exulceratorius, non malè audit, quando sub finem morbi natura sarcinam deponit: In febre scarlatinâ tamen proponitur etiam nimîâ magnitudine & vehementiâ in apostema tendens parotis; à veneno tanquam pestilenti sub axillâ ortus bubo & exulceratus; quin super pubem vetulæ gangrænosum carcinoma. Quo minus ita simpliciter ista transeant, jungatur C. *Raygeri* O. 4. A. 4. E. N. C. & D. 3. A. 7. O. 200. C. *Helwichij*, (quin & Cent. O. 87.) ubi testimoniis practitorum firmatur aphorismus *Hippocratis*: omnis Parotis pestifera, vel sic ad minimum proponitur, ut abscessus post aures perpetuò sint suspecti; quem & ita repetit *Heers*. l. c. magnas parotides semper esse mortiferas. Deduxit a. parotidem in suo casu lethalem à carie & gonorrhœâ virulentâ. *Baglivus* quidem in praxi loco non uno: omnes pleuriticos sanatos vidimus, quibus in interiora auris dolor, & exindè suppuratio, supervenerunt. *Heurnius* a. ad aph. 51. §. 4: A peripnevmoniâ vel pleuritide oborta parotis, quæ morbo finem non imponit, calamitosa.

Cùm sub finem anni tristiciæ tertii hoc sæculo à militibus infecti quidam nobis vicini pagi *petechiis* vexarentur gravissimè, tum ipsis utique nec bubo nec carbo prorsus defuerunt, quin vesicæ quibus

quibusdam ægris ardentes à chirurgo excisæ ad cubitum, digitos, ipsum oculum, & tumores ad aures, sub alis, plures quidem quàm ad inguen, horum tamen quoque non nulli, suppurati observarentur. Malignam tamen hanc luem nemo tum pestem dixit. Sub eadem maligna tempora Ulmæ J. *Francus* in militibus, civibus nunquam, parotides ad sanitatem excussas observavit, & exemplo gravi notavit, d. Allel. p. 87. 188.

Verumenimverò carbones ne in universum omnes ita simpliciter habeantur pestilentes, monendum videbatur, suppetere quosdam aliquando eorum melioris adhuc notæ, *sc. respectivè benignos anthraces*, agnitos & traditos passim, ubi de tumoribus scribitur. Quid quod in urbe nostrâ olim, dum oriens peste plectebatur, febribus inter- & re-mittentibus (à Magn. Dn. D. ELIA CAMERARIO, Agnato & Patrono meo Colendissimo, epist. singul. inter Dissert. nr. XIII. descriptis) diu nimis vexatâ, jam verò per Dei gratiam liberiori, annis itaque salubribus, præter & extra omnem luem, per menses æstivos, personæ aliquot fuerunt correptæ, ut aliàs abscessibus parvis, sive furunculis, ita tunc anthracibus per artus, utique benignis, nec enim symptomatibus gravibus, præter alterationem horripilatorio-febrilem, & doloris ardorem, erant stipati, nec obsessos ita dejecerunt, minimè quenquam abripuerunt, moris tamen sui tenaces, *sc. excussione mediæ cutis pergamenæ instar tensæ, tanquam cauterisatæ escharæ, suppuratoriâ, malacticis & digestivis obtentâ, à chirurgo promotâ, curati, postquàm, ne quid deesset, quandam vicinarum in flexuris artuum glandularum intulissent intumescentiam, sponte quidem disparituram.*

Nec tandem bubones fluunt è morbis internis solùm, sed & ad *læsiones externas* consequuntur, vel à vulnuscule concitantur. Hoc doceat fatum *A. Spigelij*, qui referente prolixius *B. Silvatico* c. 3. r. 18. ex indicis digiti puncturâ dolorem & tumorem insignem in sinistro brachio fuerat passus: cui successit bubo seu abscessus sub axillâ, cum gravi dolore, & febre acutâ; vigesimâ quidem sponte apertus. Sed cum perstaret febris, cum tensione doleret hypochondrium dextrum, & succederet diarrhœa saniosa, mors. Iplius die sexagesimo tertio demùm subsecuta alteri abscessui in concava jecoris, invento fuit adscripta.

HYPOTHESES

Varia occasione phenomenorum hinc inde proposita.

Bubones esse vel à toto ex humorum copiâ & corruptelâ oriundos, vel à visceribus: Emunctorium *cerebri* esse in glandulis ad aures, *cordis* sub axillâ, *hepatis* ad inguen.

Bubones oriri vel per se, vel vi rerum extrinsecus incidentium: In posteriori casu naturam festinare cum sanguine, ut auxilietur parti dolenti; quandoquidem verò in itinere glandulas invenit, in eas qs. per digressionem lateralem diffundi partem confluentis humoris, & hæere parte in hâc, quia rara & laxa minùs resistit, minùs excutit. *Silvaticus* l. c.

In dolore pedis inguinum glandulas intumescere, communicatâ iisdem dolorificâ fibrarum crispaturâ, cursum fluidis cohibente, *Bagliv.* d. fibr. motr. Sive, à detentis per constrictionem compatiuntur nervorum humoribus, *Fr. Bayle* in probl. Denique glans in inguine ex dolente pedis apostemate refertur ad actionem regiminis Scholis ignotam ab *Helmontio*.

A bubone oriri febrem *ephemeram* simplicem, vel & plurium dierum: Refertur bubo inter antecedanea febris ephemeræ; Velut & erysipelas.

A bubone febrem per dolorem, vi stimuli membranas nervorum maxime tensorum afficientis non modò sed & cogentis majorem copiam liquidi in nervum cordis, ut concitetur pulsus: Sic dolor vitiat sanguinem, in vitio autem sanguinis consistit febris *L. Bellino*, in de febr.

A bubone febrem, per dolorem, præcipuè cum suppuratur. Huc ergo spectat *aph.* 47, f. 2: dum pus fit, dolores & febres accidunt magis, quàm confecto. commentar. videsis in blas human. *Helmontii*. §. 52.

Non tam esse ex bubone, quàm cum bubone, febrem *putridam*: *Silvaticus* l. c. Aut, talem esse febrem, qualis est viscerum inflammatio, ex quâ bubones, qui sine manifestâ causâ, i. e. sine ulcere externo, fiunt: *Galenus* in comment. *aph.* 55, f. 4.

Heurnius ad aph. 15. §. 2: *Morbis omnis acutus excretionem judicatur, nisi aut materiae contumacia, aut natura infirmitate aut meatuum angustia, natura ab excretionem ad abcessum sese convertat. Nam si in hemorrhagia non satis effluat, parotides fiunt.*

Rationes, quibus abcessus post aures *Laudatis Autoribus* sunt suspecti, huc potissimum redeunt, quod ferè superveniant fractis viribus, & videantur novas morborum attexere causas; quod ab inferis ad supera fiant, ad partem principem, caput.

Denique bubonum *venereorum* aliqui arguunt l. c. virus externæ modò parti, quæ contactum sustinuit, inhærens, quales hinc præsumuntur spei melioris: Reliqui habentur pro crisi imperfectâ, oriundi à veneno, quod totam humorum massam infecerit prius, quàm se proderet externè.

Ad carbunculos æstivos, hybernas autem petechias, (quicquid sit de incerti temporis variolarum, & statæ dysenteriae, malignis maculis.) atque adeò ad quæstionem: Cur *pestis* brumali frigore cesset; *encephalosos* vigeat? liceat paucis etiam excerpere responsionem *Rhumelij* facilem: Quia illius arsenicale venenum à frigore cohibetur; hujus mercuriale ab eodem adjuvatur. confer. *Hechstetter*. obs. d. i. p. m. 48. *Ol. Borrich.* in Act. Hafn. v. 4. o. 61. *Plateri* obs. ad pest. ann. 1610. quin & *J. Graunt.* d. rat. libitinæ angl. §. 34.

DISQUISITIONES PATHOLOGICÆ.

EX præmissis formanda foret ætiologia, pro reddendis inde phænomenorum rationibus; quod tamen negotium, quandoquidem difficile multis gravatur dubiis, fas nobis sit tractari problematice, per quæstiones. Quas inter prima esto hæc: Utrum *carbo* fiat à contagio, suscepto ab extra, vim suam exferente statim in parte illâ, quâ quis se ictum sentit, aut putat percussum, ab agente quocunque, non tam simpliciter vi spinæ infixæ, quàm stimuli cum fermento? Etenim non dolor modò attrahit, vel natura suppetias mittit parti læsæ, sc. ubi est, quod metuit, & cui metuit, quantumque potest prospicit, ut multo circa locum doloris & periculi sanguine fiat inflammatio, per *ἐλξιν*, sed etiam percelli omninò creditur.

creditur intimiùs aut infici, prout illud heterogeneous penetrare introrsum, vel insinuatione in humores, vel affligendo solidas, videtur verosimilius. Prior ita est passio particulae, quae sustinet, suscipit, quam vel commoveatur vel inquinetur totum.

Faveret externae causae ferienti superficiem analogia *pustularum* & benignarum, e. g. simplicis scabiei, quas animato semine propagari volunt, & specificè malignarum, ab impuro concubitu externas primò partes inficientium, nec in ipsis tamen manentium, sed pergentium ulterius; quò non? Quod huc applicando fortè confirmari posset per illud phænomenon, quo pars, quæ tetigit, concepisse memoratur *anthracem*. Obversatur etiam animo passio corporis non tam à *cauterio actuali*, quo tacta particula escharam contrahit, & *potentiali*, quo cantharis e. g. cutem vesicat, quam potius à *veneno extus cuti illito*, vel per ictum aut morsum *animalis* venenati *illato*. Omnino analogismus *jobolorum* duo quæ huc spectant præcipuè offert: Externè locus circa centrum læsionis vario facto inflammatur; internè accenditur febris, cum spasmis, deliriis, & si quid ultra diri est, & pestilens. Utrumque modo non adeò absimili à nostro themate, quod pariter ultra partis externæ notorium affectum intus recondit magnam totius perturbationem, quin metuit destructionem.

Utrum igitur porrò à *carbhone* est *bubo*, in peste quoque quemadmodum ab ictu, à pustulâ, ab erysipelate? Sive ad carbonis plus minus propinqui præsentiant & violentiam intumescunt glandulae? Ita videbatur olim *Platero* & *J. R. CAMERARIO* in memor. medic. cent. 20. §. 33. animadvertentibus ab anthrace lineam rubram ad bubonem, longo etiam interdum spatio porrectam: Undè judicarunt, provenire bubones peste correptis quoque ob carbonis vicini ardorem doloremque, influxum hunc in adenes commoventis, uti accidit in inflammationibus aliis.

Quod si verò *bubo* fuerit *sine carbhone*, uti quidem loco citato ille hunc non semper, sed plerumque modò, comitari legitur, utrum pro hoc casu statuendus erit carbo internus? Sive inflammatio interna visceris quæ - vel qualiscunque à *Galeno* tali buboni, qui febrem non ephemeram, sed malam, vi aphorismi suprâ citati, in-

fert, adscripta? Suos illa quidem gradus atque modos admittere, pro quibus ratio periculi diversa. Interim sine carbone melioris notæ scribitur pestis, quàm ut internum subesse facile suspicari possis.

Aut, utrum bubones peste correptis à venenatâ vi, per istas aliasvè vias susceptâ, in sanguinem penetrante, hinc autem in corporis emunctorium excussâ proveniunt semper? Secus ac videbatur *Laudatis Autoribus*. Ut fiant per αἷον ex tabulâ *Mœbii* 7. veniant ab intra, ex sanguinis massâ ad ejus colatoria, judicandi ex doctrinâ criticâ, tanquam species κατ' ἀπόστασιν, vel per μετάστασιν, pro crisi vel totius vel visceris, in totum vel in tantum liberandi. Partes enim quæ propagines vel *germina* habere dicebantur *Hippocrati* in epid. explicantur e.g. per hepar, cui dexter, uti sinister lieni, respondeat bubo, si quando κατ' ἔξιν benè procedit negotium. Forſan ita se habent in chronicis mesenterii glandulæ ad scrophulas.

Ex istâ sententiâ quid & quantum *carbo* habebit *critici*? quomodò inter se dividant hoc prædicatum bubo & carbo? Certè in carbone particulæ destructæ mors est. Ubi critici vix aliud quid poterit concipi, ac separatio mortui à vivo, excussio escharæ, actus inflammatorius, sub quo pus per marginem, per ambitum fit. Aut minus illud malum, dum in cute figitur, quod mortificat; quanto melius, ac ad carbonem internum? Vel, utrum differentiam fundabit diversitas materiæ & loci? Si venenum cum rubrâ sanguinis parte fibris infigatur, datura carbonem: in mitiore casu cum aqueâ ad glandulas hæreat sive deponatur pro bubone; prout sc. diversis per res nat. & non-nat. personis plus est vel cholerae vel lymphæ. Quasi bubo locum occupet convenientem, scopo aberret carbo; quicumque in hoc actu sit jaculator. Urique informari vellemus, quantum diversa carbonis conditio bubonis maturationi vel faveat vel obſtet; an nunquam suppleat?

Quod si verò abscessus pestilentes *partiri* videantur istos modos, & eorum quidam fieri per tractionem, alii per pulsionem, quinam distinctè ita erunt agnoscendi? Crudi ne vel inflammatorii? Præcoces an ferotini? Paradoxon certè non leve, quosdam in publico

blico per dies posse circumferri ab obsessis, ut quidem videtur, absque plenâ prostratione statim, citâve dejectione, non tamen sine præviâ & conjunctâ plus minus dubiâ ægrimoniâ, commotione, alteratione. Aliàs commentator *Vallesius* ad suum Hippocratem: *Quæ judicant in melius, ne statim appareant.* Tanto enim major irritatio & naturæ impotentia significatur. p. 93. & 83: magna significatio est malignitatis materiæ intempestiva expulsio. Nisi facilis processus meliora doceat.

Longè in hoc omni processu aliter isti duo, quàm maculæ: quarum livor nec cum dolore nec cum tumore est, quarum locus nec inflammatur nec suppuratur. Malæ non ut causa, sed ut signum, dictæ *Diemerbroeckio*. Nam ab olim ex *Schenckii* obs. l. 6. petechiæ nigræ deteriores audiunt quàm carbunculus & bubo. Sc. natura lutum pullo jam colore declarat. Mereretur autem & hîc applicari respectus ille *macularum* ad *hæmorrhagias*, quem singulari differt. proposuit Exc. Dn. D. ZELLERUS, Patronus & Promotor meus Venerandus.

Quod ergò in tab. *Mæbij* 16. dicitur de abscessu critico in genere, id omne intelligendum & applicandum erit ad species, ut alias, sic & ad pestilentes, sive ad crisin pestis per bubonem & per suo modo carbonem. Adsint oportet requisita ibi recensita per circumstantias temporis, loci, modi, successûs, si benè velint audire, ne fiant ut fieri prohi dolor solent crises ad mortem malæ. Ex quo censu suspecto est criseos emansio, defectus, debito tempore nusquam comparente locis solitis, quod debebat; Ejusdem pullulantis, germinantis interruptus progressus, quin retrocessio. &c. Aut etiam illud iterum *Hippocratico-Valesianum* p. 26: abscessus quodam anno fuisse majores, quàm ut ferri possint; vel minores, quàm ut prodescent. Et quicquid est ultrà talium anomaliarum. Tot verò requisitorum concursum quis ita promittet vel præstabit facilè, siquidem & hîc bonum desumitur ab integrâ causâ, malum à quolibet defectu.

Autoritatem dictis accedere si quis velit, ne prolixi simus excerpimus modò aphorismos quosdam è med. stat. *Sanctorii*; ubi multa, cum comment. M. *Listeri*, quæ planè merentur attendi.

Sic autem Ille nr. 132. 133: *Si thrombus*, sanguis ille paucus, ab infecto Spiritu vitali congelatus, & extrà pulsus, *totus expurgetur per bubones & carbones*, sanantur; *si non totus*, moriuntur. Hinc quibus anthraces & bubones aperiuntur: *si interna infectio tota exeat*, sanantur; *si minùs*, moriuntur.

DELIBERATIONES PRACTICÆ.

PRO fundamento therapeutiæ, ut fiat conformis pathologiæ, ponemus textum è libr. 2. epid. sect. 3. ubi *Hippocrates* ita: *Abscessus non fientes facere: fientes autem declinare: hos autem excipere, si eant quales oportet: qui verò non valdè, cooperari: eos autem avertere, qui omninò inutiles fuerint, præcipuè autem hos futuros, sin aliter, cum nuper inceperint.* Quinque hic recensentur indicationes distinctæ de diversimodè se habentibus abscessibus, quarum tres, sc. *facere, excipere, cooperari* valent de bonis, criticis; duæ reliquæ, sc. *declinare, avertere*, de malis, symptomaticis, apud *comment. Vallesium* ad loc. cit.

Equidem, ut figillatim indicationes, quarum prima est, *abscessus non fientes facere*, persequamur, facilius est hoc dicere, quàm facere, nam talia nascuntur, non fiunt arte. Quomodo igitur hæc indicatio deducetur in actum? Videtur ante omnia omitendum, quicquid impedit ut eruptionem, sic maturationem; tentandum potius, ut compescantur fluctus alieni, dirigantur motus symptomatici; hinc prospiciendum erit visceribus, gangrænæ & sphaceli periculum subituris, quæ præservari aut liberari possint, ut emittant, aut germinare sinant abscessus; Denique promovendum, pellendum, ab intra, ubi licet, ubi opus est, vel per media generalia, vel si quæ suppetant specifica, à nobilioribus ad ignobiliores. Talia enim sunt externa, qualia permittuntur esse ab internis. Amplissimum itaque hîc erit thema pro conflictu, indicatis istis quantum obstant simpliciter & absolutè vel sub incongruo & intempestivo saltem usu venæsectio, vomitoria, certa laxantia, aut convenient alexipharmaca, bezoardica, ad sudorem unicè laudata olim, hodiè suspecta, quod cieant, quas sedare conveniret, turbas,

nisi cautè agris attemperentur. Eodem libro 2. sect. 5. scripsit Celsus: *Fac ignem*. Transeat hîc puerperium, de quo ibi sermo est: In lue si potior malignitas, quàm febris, venenum subjugari, expelli aliterne poterit, ac per febrem medicam, vix nisi per alexipharmaca faciendam? Hæc autem facta utrum hinc suo curanda antidoto?

Quod autem per externa *facere* possumus, sive per instrumenta, secando vulnus, sive per media urendo, carboniformi mæscharam, & ab eâ ulcusculum, fonticulum, illud omne huc spectabit, hujus erit deliberationis: Utrum abscessus non fientes quis possit facere invitando, disponendo partem ad faciliorem receptionem per relaxantia, emollientia, citius usurpanda; de quilibus ad sec. indic. plura; Hinc & attrahendo, sollicitando, irritando per fortiora, per cucurbitulas, vesicatoria, cauteria, loco convenienti aut vicino, sub primum principium, mox ad primum sensum, quin præservativè, admovendi, imponenda, (qualiter à venenato animali læsæ partes solent tractari.) ut suppleant emuntoria artificialia defectum vel insufficientiam naturalium, ex consilio *Lancisi*, in diario veneto, Tom. x.

Secunda indicatio fuit: *fientes, si eant, quales oportet, excipere*. Hoc verbum explicuit Interpres per tò nihil facere, sed sinere, ut fiant. Quo ipso iterum prohibetur omne obstaculum intus vel extus motui critico temerè ponendum tam ex diætâ quàm pharmaciâ. Deinde innuitur, ut expellere, sic & maturare, iterumque consolidare, negotium esse naturæ, illius morborum ex l. 6. epid. medicatricis, quæ in quibusdam casibus sibi etiam sola sufficiat: Ne quis in tali occupetur operosus, aut de tali glorietur vanus. Utinam ita sit medicina multis non necessaria, cæteris non insufficiens! Sub isto tamen verbo, intelligi etiam poterunt anodyna, paregorica, doloris intensioris mitigationi convenientia, dictis & dicendis subindè miscenda vel interponenda.

Tertia indicatio: *Fientes si eant non valdè*, i. e. non satis, *cooperari*, i. e. juvando naturam conari, ut perfectè fiant. Ex hoc capite præter laudata interna; sunt laudes undique per gradus emollientium, maturantium, suppurantium, rumpentium externorum cataplasmatum (cavendo frigus.) & emplastrorum. Seligantur quæ
facilè

facile parari & applicari possunt, ut vel in casu necessitatis homo in tantum sibi ipsi possit esse chirurgus; modò quem homines destituunt, nec ratio nec vires destituant. Talium numerus est magnus, compositorum vix finis. Officinalia sunt duo empl. c. gummi diachyli & malacticum, (quod chirurgorum quidam mixtum suo oxycroceo efficacius prætendunt.) & novum in consilio *Coll. San. Austriac.* Simplicia potiora, quæ vim fundant istoram, sunt præterbulbos, ficus, &c. illa ipsa tria maximè, quæ tam furunculo in specie, quàm abscessui in genere, dedit olim *C. Celsus*: Sc. fœtens & potens, etiam resolvendo, *Galbanum*, cum socio ammoniaco, quid nî certis de causis etiam asâ fœtidâ? Porro *Resina*; & sunt chirurgi, qui contumacium abscessuum medio destinant prævalentius aliis empl. ad fracturas. Tandem & *Fermentum*; cui mel cum farinis, & panem mellitum, accensere licebit vel adungere. Num ut maxime distinguatur bubo pestilens à venereo, aut quocunque alio, non aliter tamen curatur ac hic inflammatorius, non præscribuntur ipsi alia quam omnibus communia, nisi veneno quid specificum dari possit; de quo statim. Non absolum autem omninò citare exemplum venereorum, nam apud *land. Autores*, quibus add. *Vratislavienses Nat. Cur.* ad ann. 02. talium quidam possunt esse & curari absque infectione totius, eorum suppuratione corpori melius consulitur, quàm resolutione, quorum & omnimoda maturatio rarò expectatur, ut hinc citius aperiuntur, diutius suppurentur; qui purgando, venam secando impediti fuissent, quin regimine sudorifero diffusi magis per totum; adde, quod tandem dictis non cedentes tradantur curandi mercurio. Redeundo hinc ad parotides, hîc pus in superficie non expectandum, loc. jam. cit. monuit *Helvvichius*. Chronicis tamen ad aures, sub genâ, tuberculis tædiosè pertinacibus imposita malactica tandem inflammationem & suppurationem ita fortè superinducunt, ut hæc non tam glandulosæ molis quàm integumentorum esse videatur, cum sub aperto abscessu durities persistet adhuc, in tantum potius, quàm in totum, tardè diminuenda. Denique istud cooperari etiam importat aperti abscessus mundificationem & consolidationem; de quibus tamen modò non plura, quoniam abundè olim Præsidis *B. PARENS* in d. ulcer. antiq.

Duæ ultimæ indicationes, *Fientes declinare ; inutiles*, quanto magis noxios, *futuros avertere*. Quo sensu hæc & quomodo? Vix *intotum*, ut omnes pestilentes declarentur tales; quasi curari possit pestis ita, ut ne fiant in eâ abscessus. Hoc enim esset quidem in desideratis, sed vix creditur esse in artis potestate. An itaque *in tantum*? ut idem dicat, ac moderari nimium protrusionis imperum & magnitudinis excessum. Vel tentare, utrum *absque* suppuratione per resolutionem futurus abscessus discuti possit; quod de plerisque erysipelatum obtinet, in ipsâ tamen peste interdum etiam fieri, fidem facit historia, ut alibi, sic & in scripto *Petr. Gabrielis* cap. 5. & in *Oblerv. A. Thoneri*. Aut denique de loco saltem illæ indicationes erunt intelligendæ? Ut sc. fiens & metuenda parotis, bubo subalaris, hinc aliorum, antè quàm figatur in partem, tempestivè, occasio enim præceps, ducatur melius deorsum juxta processum indicationis primæ; modò sequax manuductioni obediat. Applicuisset fortè in tali casu exemplum afflicti sui capitis, quod in præfat. ad fibr. motr. recensuit *Baglivus*, quantum solaminis senserit à fomentis inferiorum. Ordo Veterum erat incipere à repellentibus, progredi ad discutientia, postea demùm se accingere ad coquendum; Quem verò Ipsi multum limitarunt, respectu maximè ad abscessus habito criticos. de quo videsis *Exc. Arch. Dn. D. GERLACHI*, Patroni & Cognati mei Honoratissimi, *Inaugurthes. ult.* Ecquod autem defensivum melius, vel quid maturativis prius, suppetit, ac bonus vini Spiritus cum camphorâ?

Inprimis huc spectat illud *Riverii*, quod multi citant, pauci credo imitantur, paradoxon: Parotides symptomáticas, quæ nec alexipharmacis nec attrahentibus juvari potuerant, in ipso morbi maligni statu, venæsectione primùm partitis vicibus, dein purgatione, feliciter fuisse curatas: Sic evacuationibus suppleri potuisse, quod natura inchoaverat, per conditionem loci verò absolvere non potuerat, sufficientem nimirum materiæ mortificæ eliminationem. *Mortonus* quidem l. c. vehementiam quoque parotidis moderari sustinuit secando venam, sed non nisi in isto urgente casu, aliàs id prohibens, & vesicatoriis atque alexipharmacis, ne quid præjudicaret elevationi & maturationi abscessuum, mox subjunctis soli-

citè curavit; qui de cætero in declinatione variolarum ad parotides nec sui corticis obliuiscitur, & crudis chronicis sua destinat purgantia, resolventia. Unde hîc præcipuè quæras: Utrum in peste nulla eccrîsis præstet, quod speratur ab apostasi? Hinc istam num imitari ars possit, & vel sic adimplere indicationem Coi. E coacis quidem passim, e.g. in manuali *Bicaîsi*, p. 77. citatur aphorîsmus: *Ex præcipitibus morbis in febribus ardentibus maximè tubercula ad aures exoriuntur, ac nisi judicatoriè solvantur, & maturescant, aut sanguis è naribus profluxerit, aut crassum sedimentum urina acceperit, agros interimunt.* &c. Talia utique in tantâ hominum strage tentativæ medicinæ forent commendanda.

Sub istis *abscessuum* indicationibus utrum comprehenditur & illa *carbonis*? Duabus hîc partibus constat consilium *Hippocratis Latini* de re med. l. 6. c. 28: *Nihil melius est, quàm protinus adure-re.* Hoc ne crudele, ne grave videatur, mox subjungit: *Nam non sentit, quoniam ea caro mortua est.* &c. Quod si in summâ modò cure vitium est, sufficere concedit medicamenta, vel exedentia tantum, vel etiam adurentia. Sic Bb. ANTECESSORES FAC. MED. in consil. de anno 1626. spiritum vitrioli, aquam fortem illinendam suaserunt; & passim proponitur antimonij butyrum. Hinc pergit Ille: *Tum deinde vulnus, sicut cætera adusta, curandum est.* &c. Legatur caput totum, quod in angustiam pagellarum transferri non potest. Pro hoc a. scopo laudarunt nostri empl. d. fuligine, quod l. c. videsis. Quid verò videtur in gravi casu de nigro epithemate? aliàs periclitantium de gangrænâ & sphacelo partium præsidio.

Cui ergò indicationi respondent ex regno animali *Bufo*, *Rana*, *Scorpius*? speciosa leguntur prædicata; arcere contagium, extrahere virus: quod aliàs à carne viperæ, scorpio contrito, &c. venenato vulnere impositis speratur; quod & à *cobra de capelos* accipite fide inter *Redum* & *Baglivum* prætenditur. Benè omninò, si quidem ita veneno in limine possit occurri. Quibus suppetit, quæ nobis hîc deest, experientia, non fallax, ista determinent.

E minerali regno *magnes arsenicalis* cui bono vel solus vel in emplastro? An reverà *magnes*? non ob lapidem magnetem, qui
non

non ingreditur, sed ob virtutem attrahendi venenum. An, ceu nobis quidem videtur, simpliciter ut escharoticus, atque ita singulare nihil promittens?

Item ex hoc regno, quid pro glandulosis locis & morbis, quid pro veneni efflorescentiis, per analogismum, de *mercurio* sperandum? Nec deessent autoritates, nec præsumptiones, pro indicationibus fortè posterioribus, ut in conflictu affirmativam sustinere ausimus, donec prudentia practica rem dubiam quidem, magni tamen momenti, vocaverit in examen.

Denique ex vegetabili regno, ut plurima hujus familiæ reservemus alteri fortè occasione, *Acida* illud e.g. *Citri*, cum indicationibus istis quomodo conciliari poterunt?

Respondere ad hanc quæstionem tunc licebit solidius, cum ex afflictis hætenus, utinam tandem liberandis, locis specialiores determinaverint observationes illos acidorum, quæ generalius laudantur, effectus, quo se habuerint modo. Sc. utrum ab illorum usu, vel solorum vel cum alexipharmacis, non fiat carbo? Et sic probet infractum contrario virus urinosum. Vel, utrum indè bubo fiens quidem, sed non suppurandus, fundet spem obtinendæ tutò resolutionis? Aut, an uterquè benignior modò, sua tamen decurrens tempora, declaret, tali remedio sublata fuisse apostaseos ritè absolvendæ impedimenta, ut benè fieret, quod fieri debebat, gangrænæ loco pus modo conveniente.

Et ista quidem sufficient ad disputandum: ad decidendum opus erit certo successuum testimonio. Nos interim ista obsignamus votorum ultimo: Liberet nos à malo, qui in cœlis

Pater, cui fit

SOLI DEO GLORIA.



Ultima Cognatum comitetur linea voto ;
Sit tutela DEI Gratia firma Tibi !

CANDIDATO

accinit

PRÆSES.

Quid labor in studiis possit , quid sedula cura ,
 Exemplo monstras, suavis Amice, tuo.
Non ergò mirum quod lux hodierna coronet
 Tempora, quod faustum sit Tibi, mente precor.

Meliori animo quam calamo suo, per semi-
lustrum hætenus contubernali amân-
tissimo memoriam sui atque favorem
de meliori commendaturus, apposuit,

Lud. Frid. Hirschmann. Stud. Juris.

DE cathedrâ Cognate modò dum tendis ad ægros,
 Successu felix perge favente DEO.

*Fautori & Amico Honoratissimo gratu-
labundus scripsit*

A. Camerarius. Med. Stud.

Bubones equidem, sed non puerilia tractas,
 Cammerer, & Bubo carmina læta canet.
Carbonesque notas, nec Tu carbone noters,
 Sed Tibi Phœbigenæ candida dona dabunt.

CONCAMERATÆ amicitiae ergo
 posuit

M. Tob. Frid. Hock.